



Monikielisyys yksikkö, EFF

- Toiminta on suunnattu sekä kunnallisille että yksityisille verkostoille
- Äitinkielenopetusta peruskoulussa ja erityisperuskoulussa ja kansainvälisten ja erityisväestöissä
- Äitinkielen tukea esikoulussa
- Opinto-ohjausta äitinkielenä
- Tukea opiskelun alkuun äitinkielenä
- Kartotustehtäviä äitinkielenä
- Taitotason testaamista äitinkielellä (oppiaine) eli äitinkielen kursseissa

Enheten för flerspråkighet

flersprakighet@ uppsala.se

018-727 20 26



Äitinkielenopetus

 <p>Grundskola & grundsärskola Modersmål är ett ämne som kan läsas hela grundskoletiden.</p>	 <p>Gymnasieskola & gymnasiesärskola Modersmål kan läsas i form av modersmålskurser.</p>
 <p>Nationella minoritetsspråk Nationella minoritetsspråk som modersmål i Uppsala kommun</p>	 <p>Förskola Riktar stöd till förskolebarn som kan ansökas av förskolans pedagoger.</p>

flersprakighet.uppsala.se



Kuka saattaa lukea äitinkieltä?

(Hoks! Ei jällaa kansalisten minuriteettikielten kansa.)

Sille oppilhaale jonka huoltajalla oon muu äitinkieli ko ruotti häätyy tarjota äitinkielenopetusta, jos:

1. Kieltä käytethään päivittäin kotona, ja
2. Oppilhaala oon perustaiot kielessä.

Oppilhaan häätyy praatia ja käsittää kieltä. Opetus oon äitinkielelä ja nouattaa kansalista kursiplaania.

Kansaliset minuriteettikieliet

Ruottin kansaliset minuriteettikieliet oon seuraavat: suomi, meänkieli, saame, romani ja jiddiř. Ette oon oikeus lukea kansalista minuriteettikieltä häätyy kuulua minuriteettijoukhuon. Oppilhaan ei tartte praatia kieltä kotona eikä hällä tartte olla perustaitoja kielessä.

Minuriteettikielilä oon kaksi kursiplaania ja hakemuksessa valithaan ette haluaako oppilas lukea kieltä äitinkielenä eli vasta-alkajana.

Monikielisyyen yksikkö (EFF)
oornaa äitinkielenopetusta
Uppsalassa.

Perustaiot

Perustaiot vaaitaan kaikilta kieliltä paitti minuriteettikieliltä. Opettaja syynää oppilhaan perustaiot ko opetus alkaa. Sekä kuulunkäsittäminen ette suuliset taiot syynäthään. Monikielisyyen yksikön veppisivulta sie löyät lissää informasuunia siittä ette mitäs net perustaiot oon.

Näin sie haet

Se oon oppilhaan huoltaja joka tekkee hakemuksen. Plankettia oon koulussa ja kansa Monikielisyyen yksikön veppisivula. Täytä planketti, allekirjota se ja jätä oppilhaan kouhluun. Rehtori häätyy hyäksyä hakemus ja sitte koulu lähättää sen Monikielisyyen yksikhöön, viimisthään 15. kesäkuuta ennen tulevaa lukuvuotta. Niile hakemuksile jotka tullee 15. kesäkuuta jälkhiin ei karanteerata paikkaa.

Opetuksen oornaaminen

Uppsalassa äitinkielenopetus oornathan kouluitten karanteeraton perusopetuksen ulkopuolela. Leksuunit piethään siis muitten koululeksuunitten ulkopuolisela ajala, ussein koulun jälkhiin. Esikoululuokkalaisten ja 1.- 5.- luokkalaisten leksuunit piethään heän omala koulula. 6.-9. -luokkien oppilhaat kokkointuu joukola vissilä koulula myöhemmin iltapäivälä eli illala. Oppilas matkustaa itte vissile koulule. Jos oppilhaala ei ole pyssilippua sen voipii saaha äitinkielenopettajalta.

Enämpi informasuunia

Sie saat enämpi informasuunia Monikielisyyen yksikön veppisivulta.

flersprakighet.uppsala.se

